

夫水盡則影亡谷盈則響滅... 山頽之歎物分以然... 以寫靈容目連慕德刻好檀而圖聖像... 或如斯况元○等託於冥冥之中生於千載之下... 不值驚備初軒退未遇龍華寶駕而不豫殖微因... 存祈向何以披此昏壇遠邀三會樹因菩提者必資... 緣於善友入海求珍者亦憑導於水師故世王之愆... 藉者婆而曉須達之倒假門神而悟由此而言自金... 剛以還未有不須友而成者也於此迭相辨動異心... 影附法義之眾遂至廿餘人各竭己家珍並勸一切... 仰為皇帝○法界有形敬造石像一區藉此微因... 令一切含零悉入智海學窮首楞究竟常果大誓莊... 嚴理无虛應 十方淨覺現為我證

永熙二年八月廿日造託

乾封元年七月十五日司列主事許大德并妻楊敬造弥勒像一龕及夫妻男女即供養佛時

N° 1513

長壽二年四月廿三日比丘智滿為亡母敬造弥勒像地藏菩薩觀音菩薩願亡母往生西方

N° 1518

武平六年○○○○造石像一區又願七世父母因緣眷屬法界眾生同發菩提普及政覺

N° 1507

大唐貞觀廿年三月一日弟子張世祖夫妻兒子等為先亡父母敬造尊像一堪上資皇帝下及倉生俱免蓋纏同時作佛了

N° 1510

王合為妻患得差故造弥勒像一龕總章元年九月八日

N° 1516

大唐永徽四年十月八日周智冲上為皇帝敬造阿弥勒像一軀下保父母鞠育之慈願合家眷屬離諸灾障一切共同斯福

N° 1512

大周萬歲通天元年五月廿三日弟子孔思義為法界倉生及合家眷屬敬造弥勒尊像一鋪願未離苦者願令離苦未得樂者願令得樂病患者願得早差業道受苦及怨家債主悉願布施歡喜速得神生淨土不具足者並願具足眾生普願安樂同發菩提一時作佛

N° 1519

總章元年四月八日王尹農為合家眷屬大小敬造阿弥勒像一龕供養

N° 1514

垂拱二年五月八日龍豐倫為七父母及所生父母并諸眷屬願離苦解脫並往生西方

N° 1517

N° 1509

清信女王玄○為亡夫朱景微造阿弥勒像一龕總章元年六月造

N° 1515

永徽四年八月六日清信女陳為亡女敬造阿弥勒像一龕願亡者神生淨土早離苦難

N° 1511